



Lucsamburg, 02.06.2021

TAG.: CDT-AD5-2021/01
AISTRITHEOIR MÁLTAISE

GRÁD: AD5
ROINN: AISTRIÚCHÁN – Rannóg na dTeangacha Rómánsacha agus Meánmhara
ÁIT FOSTAÍOCHTA: LUCSAMBURG

Bunaíodh Ionad Aistriúcháin Chomhlachtaí an Aontais Eorpaigh sa bhliain 1994 chun seirbhísí aistriúcháin a chur ar fáil do na comhlachtaí éagsúla de chuid an Aontais Eorpaigh. Is i Lucsamburg atá sé lonnaithe. Ó bunaíodh é, tá méadú mór tagtha ar ualach oibre an Ionaid, agus tá foireann thart ar 110 aistritheoir aige anois.

I gcomhréir le hAirteagal 11 den chinneadh ón Ionad Aistriúcháin lena leagtar síos forálacha ginearálta cur chun feidhme maidir leis an nós imeachta lena rialaítear fostú agus úsáid ball foirne sealadach faoi Airteagal 2(f), tá an tIonad Aistriúcháin ag eagrú nós imeachta roghnúcháin anois chun liosta ionadaithe¹ a bhunú le haghaidh baill foirne shealadacha a earcú mar aistritheoirí a bhfuil Máltais ina príomhtheanga acu (ciallaíonn "príomhtheanga" máthairtheanga nó teanga a bhfuil tuiscint choibhéiseach ag iarratasóirí uirthi). Ar na cúraimí a bheidh orthu beidh téacsanna a aistriú ó Bhéarla agus ó theangacha oifigiúla eile an Aontais Eorpaigh go Máltais agus athbheithniú a dhéanamh ar théacsanna a d'aistrigh conraitheoirí seachtracha go Máltais.

A. CRITÉIR ROGHNÚCHÁIN:

Chun bheith incháilithe le páirt a ghlacadh sa nós imeachta roghnúcháin seo ní mór don iarratasóir, ar an dáta deiridh le hiarratais ar líne a chur isteach (30.06.2021), na ceanglais seo a leanas a chomhlíonadh:

(1) CRITÉIR INCHÁILITHEACHTA:

- a bheith ina náisiúnach de cheann de Bhallstáit den Aontas Eorpach;
- cáilíochtaí: leibhéal oideachais arb ionann é agus trí bliana ar a laghad de staidéar ollscoile críochnaithe atá fianaithe le diplóma a bheith aige/aici²;
- eolas ar theangacha:
 - Teanga 1 (an príomhtheanga): tuiscint den chéad scoth ar Mháltais,
 - Teanga 2 (an chéad teanga fhoinseach): sáreolas ar Bhéarla,
 - Teanga 3 (an dara teanga fhoinseach): eolas an-mhaith ar Fhraincis, Gearmáinis nó Iodáilis.

(2) INNIÚLACHTAÍ AGUS SCILEANNA SONRACHA

¹ Féadfar an liosta ionadaithe céanna sin a úsáid chun baill foirne shealadacha a earcú faoi Airteagal 2(b) de Choinníollacha Fostaíochta Sheirbhísigh Eile an Aontais Eorpaigh agus chun foireann ar conradh a earcú faoi Airteagal 3(a) de na Coinníollacha céanna sin.

² Ní chuirtear san áireamh ach diplómaí agus teastais a bronnadh i mBallstáit AE nó lena mbaineann teastais chomhionannais arna n-eisiúint ag údaráis sna Ballstáit sin.

Bheadh na nithe seo a leanas ina mbuntáiste:

- eolas maith ar theanga oifigiúil amháin ar a laghad den Aontas Eorpach seachas teangacha 1, 2 agus 3 (féach pointe A(1)) (Bulgáiris, Spáinnis, Seicis, Danmhairgis, Gearmáinis, Eastóinis, Gréigis, Fraincis, Gaeilge, Iodáilis, Cróitis, Laitvis, Liotuáinis, Ungáiris, Ollainnis, Polainnis, Portaingéilis, Rómáinis, Slóvaicis, Slóivéinis, Fionlainnis agus Sualainnis);
- eolas maith ar uirlisí Aistriúcháin Ríomhchuidithe;
- taithí oibre sé mhí ar a laghad mar aistritheoir;
- taithí oibre mar aistritheoir in institiúid Eorpach nó in eagraíocht idirnáisiúnta.

B. AN NÓS IMEACHTA ROGHNÚCHÁIN:

(1) AN CHÉIM RÉAMHROGHNÚCHÁIN:

Cuirfear an chéim réamhroghnúcháin i gcrích ina dá cuid:

- Beidh an chéad chuid bunaithe ar na critéir incháilitheachta thuasluaite (féach A(1)) agus is é an aidhm atá léi a dhearbú cé acu an gcomhlíonann nó nach gcomhlíonann an t-iarratasóir na critéir incháilitheachta éigeantacha go léir agus na ceanglais fhoirmiúla go léir atá leagtha síos sa nós imeachta iarratais. Diúltófar d'iarratasóirí nach gcomhlíonann na critéir.
- Sa dara cuid, cuirfear taithí ghairmiúil agus na pointí atá luaite faoi "Inniúlachtaí agus scileanna sonracha" (féach A(2)) san áireamh. Déanfar an chuid seo a mharcáil ar scála ó 0 go 20 (pasmharc: 10).

Tabharfaidh an Coiste Roghnúcháin cuireadh do na **20** iarratasóir a n-éiríonn leo sa chéim réamhroghnúcháin agus a ghnóthaíonn na marcanna is airde chun tabhairt faoi thriail scríofa agus chun agallamh a dhéanamh.

(2) AN CHÉIM ROGHNÚCHÁIN:

Leanann an chéim roghnúcháin an nós imeachta a ndéantar cur síos air thíos. Cuirfear an chéim seo i gcrích ina dhá cuid:

(a) Triail scríofa ina bhfuil na nithe seo a leanas:

- (i) aistriúchán ó Bhéarla (teanga 2) go Máltais (is ceadmhach don iarratasóir úsáid a bhaint as foclóirí neamhleictreonacha a thabharfaidh sé/sí chuig an triail) ar théacs ina bhfuil thart ar 25 líne chun measúnú a dhéanamh ar inniúlachtaí ginearálta agus scileanna teanga na n-iarratasóirí sa mhéid is gá chun gur féidir leo a gcuid cúraimí a chomhlíonadh, agus ar na hinniúlachtaí sonracha a bhaineann lena bpróifílí. An t-am a cheadaítear: 1 uair an chloig.
- (ii) aistriúchán ó Ghearmáinis, Fraincis nó Iodáilis (teanga 3) go Máltais (is ceadmhach don iarratasóir úsáid a bhaint as foclóirí neamhleictreonacha a thabharfaidh sé/sí chuig an triail) ar théacs ina bhfuil thart ar 25 líne chun measúnú a dhéanamh ar inniúlachtaí ginearálta agus scileanna teanga na n-iarratasóirí sa mhéid is gá chun gur féidir leo a gcuid cúraimí a chomhlíonadh, agus ar na hinniúlachtaí sonracha a bhaineann lena bpróifílí. An t-am a cheadaítear: 1 uair an chloig.
- (iii) athbhreithniú ar théacs a aistríodh ó Bhéarla (teanga 2) go Máltais (téacs ina bhfuil thart ar 50 líne; is ceadmhach don iarratasóir úsáid a bhaint as foclóirí neamhleictreonacha a thabharfaidh sé/sí chuig an triail) chun measúnú a dhéanamh ar inniúlachtaí ginearálta agus scileanna teanga na n-iarratasóirí sa mhéid is gá chun gur féidir leo a gcuid cúraimí a chomhlíonadh,

agus ar na hinniúlachtaí sonracha a bhaineann lena bpróifílí. An t-am a cheadaítear: 45 nóiméad.

Déanfar gach triail scríofa a mharcáil as 20 marc (pasmharc: 12).

Mura n-éiríonn le hiarratasóir i dtrial (i), ní dhéanfar trialacha (ii) agus (iii) a mharcáil. Má éiríonn le hiarratasóir i dtrial (i) ach mura n-éiríonn leis nó léi i dtrial (ii), ní dhéanfar triail (iii) a mharcáil.

Ní mharcálfar trialacha scríofa na n-iarrthóirí nach n-éireoidh leo san agallamh.

(b) Agallamh leis an gCoiste Roghnúcháin chun measúnú a dhéanamh ar oiriúnacht na n-iarratasóirí i dtaobh na dualgais thuas-sonraithe a chomhlíonadh. Díreofar san agallamh freisin ar shaineolas na n-iarratasóirí agus ar an gcumas atá acu chun obair i dtimpeallacht ilchultúrtha. Déanfar an t-agallamh an lá céanna a dhéanfar an triail scríofa nó an lá (na laethanta) ina dhiaidh. An t-am a cheadaítear: 45 nóiméad.

Is i mBéarla den chuid is mó a reáchtálfar an t-agallamh. Féadfar triail a chur i ndáil le teangacha eile de réir an dearbhaithe a dhéanfaidh na hiarrthóirí maidir le heolas ar theangacha.

Déanfar an t-agallamh a mharcáil as 20 (pasmharc: 12).

Is i Lucsamburg a dhéanfar na trialacha scríofa agus an t-agallamh. I gcás force majeure, is ar bhonn cianda a dhéanfar na trialacha.

Na hiarratasóirí a dtabharfar cuireadh dóibh na trialacha a dhéanamh, gheobhaidh siad an fhaisnéis ábhartha uile in am trátha.

Nuair a bheidh na trialacha scríofa agus an t-agallamh marcáilte, dréachtóidh an Coiste Roghnúcháin liosta ionadaithe ina gcuimseofar na hiarratasóirí ar éirigh leo, in ord aibítire. Is iad na hiarratasóirí rathúla na hiarratasóirí sin a ghnóthaíonn pasmharc comhiomlán sa triail scríofa mar aon le pasmharc san agallamh (féach pointí (a) agus (b)). Ba cheart d'iarratasóirí a thabhairt dá n-aire nach gá go ndéanfar duine a earcú de bharr é nó í a bheith ar liosta ionadaithe.

Maidir leis na hiarratasóirí sin a dtabharfar cuireadh dóibh an triail a dhéanamh, ní mór dóibh na doiciméid tacaíochta ábhartha a sholáthar lá an agallaimh, arb iad na doiciméid iad a chomhfhreagraíonn don fhaisnéis a cuireadh ar an bhfoirm iarratais. Áirítear leis na doiciméid sin cóip den chárta aitheantais nó pas, cóipeanna de dhioplómaí, teastais agus doiciméid tacaíochta eile ina gcruthaítear a gcáilíochtaí agus a dtaithe ghairmiúil agus ina dtaispeántar go soiléir dátaí tosaigh agus dátaí deiridh, an post agus cineál beacht a gcúraimí, etc. Más ar bhonn cianda a reáchtáiltear na trialacha, féadfaidh na hiarratasóirí cóip de na doiciméid tacaíochta a iarrtar thuas a chur ar an ríomhphost chuig E-Selection@cdt.europa.eu.

Sula mbunófar an liosta ionadaithe, déanfaidh an Coiste Roghnúcháin anailís ar dhoiciméid tacaíochta na n-iarrthóirí ar éirigh leo san agallamh agus sna trialacha scríofa.

Ina theannta sin, sula bhféadfar conradh a thabhairt i gcrích, beidh ar na hiarratasóirí roghnaithe na bunchóipeanna agus cóipeanna deimhnithe de gach doiciméad ábhartha ina gcruthaítear critéir incháilitheachta a sholáthar.

Beidh an liosta ionadaithe bailí go ceann 12 mhí ó dháta a bhunaithe, agus féadfar síneadh ama a chur leis an tréimhse sin faoi rogha Údarás an Ionaid Aistriúcháin atá údaraithe chun conarthaí fostaíochta a thabhairt i gcrích.

C. EARCAÍOCHT:

Ag brath ar an staid bhuiséadach, d'fhéadfaí conradh trí bliana (a bhféadfar é a athnuachan) a thairiscint d'iarratasóirí rathúla de réir Choinníollacha Fostaíochta Sheirbhísigh Eile an Aontais Eorpaigh. Faoi réir leibhéal rúndachta na hoibre a dhéanfar, d'fhéadfaí ceangal a chur ar an iarratasóir roghnaithe iarratas ar imréiteach slándála a dhéanamh.

Earcófar na hiarratasóirí roghnaithe san fheidhmghrúpa/grád AD 5. Is ionann an buntuarastal míosúil do ghrád AD 5 (céim 1) agus EUR 4 917.29. Mar aon leis an mbuntuarastal, d'fhéadfadh sé go mbeadh baill foirne i dteideal liúntais éagsúla a fháil, amhail liúntas teaghlaigh, liúntas easaoránachta (16% den bhuntuarastal), etc.

Lena chois sin, le bheith incháilithe agus sula gceapfar é/í, ní mór don iarratasóir roghnaithe:

- aon oibleagáidí a fhorchuirtear air/uirthi de réir an dlí a bhaineann le seirbhís mhíleata a bheith comhlíonta aige/aici;
- na riachtanais charachtair le haghaidh na ndualgas atá i gceist a chomhlíonadh (cearta iomlána mar shaoránach a bheith aige/aici)³;
- dul faoi scrúdú dochtúra arna eagrú ag an Ionad Aistriúcháin chun ceanglais Airteagal 28(e) de Rialacháin Foirne Oifigigh an Aontais Eorpaigh a chomhlíonadh.

D. AN NÓS IMEACHTA IARRATAIS:

Ní mór d'iarratasóirí ar spéis leo an post seo a n-iarratas ar líne a líonadh isteach in Systal (https://aa251.referrals.selectminds.com/?lset=en_US) roimh an sprioc-am.

Molaimid go mór d'iarratasóirí gan fanacht go dtí na laethanta deiridh chun iarratas a dhéanamh. De réir na taithí atá againn, d'fhéadfadh ró-ualach a bheith ar an gcóras sna laethanta roimh an dáta deiridh le hiarratais a chur isteach. Dá bhrí sin, b'fhéidir go mbeadh sé deacair iarratas a dhéanamh in am.

COMHIONANNAS DEISEANNA

Is fostóir comhdheiseanna é an tIonad Aistriúcháin agus earcaíonn sé iarratasóirí beag beann ar aois, cine, creideamh polaitiúil, creideamh fealsúnach nó creideamh reiligiúnach, inscne nó claonadh gnéasach, míchumas, stádas pósta nó staid teaghlaigh.

NEAMHSPLEÁCHAS AGUS DEARBHÚ LEASA

Beidh ceanglas ar an sealbhóir poist dearbhú tiomantais a dhéanamh chun feidhmiú go neamhspleách ar mhaithe le leas an phobail agus dearbhú a dhéanamh maidir le haon leasanna a d'fhéadfaí a mheas gur cinn iad a dhéanfadh dochar dá neamhspleáchas.

E. FAISNÉIS GHINEARÁLTA

ATHBHREITHNIÚ – ACHOMHARC – GEARÁIN

I gcás iarratasóirí a mheasann go bhfuil forais acu le gearán a dhéanamh faoi chinneadh ar leith - féadfaidh siad, ag céim ar bith den nós imeachta roghnúcháin, iarraidh ar Chathaoirleach an Choiste Roghnúcháin tuilleadh sonraí a thabhairt faoin gcinneadh sin, nós imeachta achomhairc a thionscnamh nó gearán a chur faoi bhráid an Ombudsman Eorpaigh (féach larscríbhinn I).

³ Ní mór d'iarratasóirí deimhniú oifigiúil a chur ar fáil ina ndearbhaítear nach bhfuil taifead coiriúil acu.

IARRATAÍ Ó IARRTHÓIRÍ AR ROCHTAIN A FHÁIL AR FHAISNÉIS A BHAINNEANN LEO

Tá an ceart sonrath ag iarratasóirí atá páirteach i nós imeachta roghnúcháin chun rochtain a fháil ar fhaisnéis áirithe a bhaineann leo go díreach agus go leithleach. D'fhéadfaí faisnéis bhreise a bhaineann lena rannpháirtíocht sa nós imeachta roghnúcháin a sholáthar d'iarratasóirí a dhéanann an iarraidh sin. Ní mór d'iarratasóirí iarrataí den chineál sin a sheoladh i scríbhinn chuig Cathaoirleach an Choiste Roghnúcháin laistigh de mhí amháin ón uair a chuirfear in iúl dóibh a gcuid torthaí sa nós imeachta roghnúcháin. Seolfar an freagra laistigh de mhí amháin. Pléifear le hiarrataí agus aird á tabhairt ar an rúndacht a bhaineann le himeachtaí an Choiste Roghnúcháin faoi na Rialacháin Foirne.

SONRAÍ PEARSANTA A CHOSAINT

Áiritheoidh an tIonad Aistriúcháin (mar an comhlacht atá freagrach as an nós imeachta roghnúcháin a eagrú) go ndéantar sonraí pearsanta iarratasóirí a phróiseáil mar atá éilithe le Rialachán (AE) 2018/1725 ó Pharlaimint na hEorpa agus ón gComhairle an 23 Deireadh Fómhair 2018 ar chosaint dhaoine nádúrtha maidir le próiseáil sonraí pearsanta ag institiúidí, comhlachtaí, oifigí agus gníomhaireachtaí an Aontais agus ar shaorghluaiseacht sonraí den chineál sin, agus lena n-aisghairtear Rialachán (CE) Uimh 45/2001 agus Cinneadh Uimh 1247/2002/CE (IO L 295, 21.11.2018, lch 39). Baineann sé seo go háirithe le rúndacht agus sábháilteacht sonraí den sórt sin.

Tá sé de cheart ag iarrthóirí dul i muinín an Mhaoirseora Eorpaigh ar Chosaint Sonraí (edps@edps.europa.eu) am ar bith.

Féach an [fógra príobháideachais sainiúil](#).

Ós rud é go bhfuil feidhm ag na Rialacháin Foirne maidir leis na nósanna imeachta roghnúcháin, tabhair do d'aire go bhfuil na himeachtaí go léir faoi rún. Má mheasann iarratasóirí, ag céim ar bith den nós imeachta roghnúcháin seo, go ndearnadh dochar dá leasanna le cinneadh ar leith, féadfaidh siad tabhairt faoin ngníomh seo a leanas:

I. IARRATAÍ AR A THUILLEADH FAISNÉISE NÓ AR ATHBHREITHNIÚ

- Seol litir ina n-iarrtar faisnéis bhreise nó athbhreithniú agus ina sonraítear do chás, chuig:

Le cur faoi bhráid: Cathaoirleach an Choiste Roghnúcháin CDT-AD5-2021/01

An tIonad Aistriúcháin
Bâtiment Technopolis Gasperich
Oifig 3077
12 E, rue Guillaume Kroll
L-1882 Lucsamburg

laistigh de 10 lá féilire ón dáta a seoladh an litir inar cuireadh an cinneadh in iúl dóibh. Seolfaidh an Coiste Roghnúcháin freagra chomh luath agus is féidir.

II. NÓSANNA IMEACHTA ACHOMHAIRC

- Féadfar gearán a thaisceadh faoi Airteagal 90(2) de Rialacháin Foirne Oifigigh an Aontais Eorpaigh, ag an seoladh seo a leanas:

Faoi bhráid: An tÚdarás atá údaraithe chun conarthaí fostaíochta a thabhairt i gcrích CDT-AD5-2021/01

An tIonad Aistriúcháin
Bâtiment Technopolis Gasperich
Oifig 3077
12 E, rue Guillaume Kroll
L-1882 Lucsamburg

Na teorainneacha ama chun an dá chineál nós imeachta sin a thionscnamh (féach na Rialacháin Foirne arna leasú le Rialachán (AE, Euratom) Uimh. 1023/2013 ó Pharlaimint na hEorpa agus ón gComhairle (IO L 287, 29.10.2013, lch. 15 – <http://www.europa.eu/eur-lex>), tosóidh siad ón uair a thabharfar fógra d'iarratasóirí faoin ngníomh a líomhnaítear faoi go ndearnadh dochar dá leasanna leis.

An tÚdarás atá údaraithe chun conarthaí fostaíochta a thabhairt i gcrích, tabhair faoi deara nach bhfuil de chumhacht aige na cinntí a dhéanfaidh Coiste Roghnúcháin a leasú. Is é tuairim sheasta na Cúirte nach bhfuil an lánrogha leathan atá ag Coistí Roghnúcháin faoi réir a hathbhreithnithe ag an gCúirt ach amháin sa chás go ndearnadh sárú soiléir ar na rialacha lena rialaítear nósanna imeachta na gCoistí Roghnúcháin.

III. GEARÁIN LEIS AN OMBUDSMAN EORPACH

- Féadfaidh iarratasóirí gearán a dhéanamh leis an duine seo a leanas:

An tOmbudsman Eorpach
1 avenue du Président-Robert-Schuman – CS 30403
F-67001 Strasbourg Cedex

de bhun Airteagal 228(1) den Chonradh ar Fheidhmiú an Aontais Eorpaigh agus de réir na gcoinníollacha a leagtar síos i gCinneadh 94/262/ECSC, CE, Euratom ó Pharlaimint na hEorpa an 9 Márta 1994 maidir leis na rialacháin agus na coinníollacha ginearálta lena rialaítear comhlíonadh dhualgais an Ombudsman (IO L 113 an 4 Bealtaine 1994, lch. 15).

Tabhair do d'aire nach mbíonn aon éifeacht fionraíochta ag gearáin a dhéantar leis an Ombudsman ar an tréimhse a leagtar síos in Airteagail 90(2) agus 91 de na Rialacháin Foirme maidir le gearán a dhéanamh le Cúirt Bhreithiúnais an Aontais Eorpaigh ná maidir le hachomhairc a chur faoina bráid de réir Airteagal 270 den Chonradh ar Fheidhmiú an Aontais Eorpaigh. Tabhair do d'aire freisin nach mór go ndearnadh na cineálacha cur chuige iomchuí leis na hinstiúidí agus na comhlachtaí lena mbaineann sula ndéantar gearán ar bith leis an Ombudsman de réir Airteagal 2(4) de Chinneadh 94/262/ECSC, CE, Euratom ó Pharlaimint na hEorpa an 9 Márta 1994 maidir leis na rialacháin agus na coinníollacha ginearálta lena rialaítear comhlíonadh dhualgais an Ombudsman.